



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

*Obscuro positus loco**Leni perfruar otio.*

Sed vela verto, vt ad alia stultitiæ genera, quibus eu-
nidum redditur boni nominis vnguentum, deflectat
oratio.

S E C T I O T E R T I A.

ECCLESIASTES.

- VERSUS 5. Est malum quod vidi sub Sole, quasi
per errorem egrediens à facie Principis:
6. positum stultum in dignitate sublimi, & diui-
tes sedere deorsum:
7. Vidi seruos in equis: & Principes ambulantes
super terram quasi seruos.

METRICA PARAPHRASIS.

QUIS fumum decus aestimet?
 Quis vanis pretium ponat honoribus,
 Dum quos purpura vestijt,
 Vita degeneris commaculat pudor?
 Falso nomine dignitas
 Indignos decorat. Vidi ego Principis
 Errore exitiabili
 Magnatum fatuos scandere culmina,
 Et quos dedecorant probra,
 Ornatos trabeâ ac fascibus Imperi,
 Tristi nube supercili
 Despectare humiles nobilium greges:
 Dum quos diuitie beant
 Virtutum, & Sophiæ nobilitant opes;

Ad

Ad subsellia plebei

Regum desipiens calculus abiicit.

Vidi ergastula splendidis

Sublimes in equis, dum Proceres hami
Servorum obsequia occupant.

O morum scabiem! ô perniciem rei
Summe! sicne ferociens

Virtutum rapiat præmia servitus?
O qui sidera concutis!

Sic risu placet hæc infima vertere?
Quod maius trabæ probrum,

Quàm si sæta flagris tergora vestiat?
Quid quodd turgidius nihil

Orbis fert humili, dum folio incubat?
Quod vitæ meritis nequit,

Majestate manus, ac tumido gradu
Affectat decus Imperi.

Cum nil eximium mancipia erigat,
Hoc solum eximium putant,

Si rerum dominos sub pedibus premant,
Et ius fasque libidinis

Servilis misero subijciant ingo.

Quid flammæ memorem, & cruces,

Spirantesque animos sanguineam necem?

Regnat sanguine plurimo,

Qui vili ad solium è sanguine profilit.

Surgit res tenuis, vapor,

Cum Solis radiis in nebulam coit:

Sed mox parturiens minas,

Mundum terrifico fulmine concutit.